

---

Зинашада 300 га яқин хонадоннинг тоза ичимлик таъминотини яхшилашга қаратилган лойиҳа амалга оширилмоқда

Ўзбекистон туманидаги “Зинаша” маҳалла фуқаролар йиғинида ҳам тоза ичимлик суви таъминотини яхшилашга қаратилган лойиҳа бажарилмоқда.

Президентимизнинг 2022 йил 25 октябрдаги “2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги қарори асосида маҳаллада обихаёт билан боғлиқ муаммони бартараф этиш мақсадида сув қудуғи қазилмоқда.

Таъкидланишича, қурилиш-монтаж ишлари доирасида ичимлик суви қудуғи қазилиши билан биргаликда, 25 м3 сиғимга эга янги сув минораси ўрнатилиб, 1000 метрга яқин тармоқ ҳам тортилади. Ичимлик сувини бактериялардан зарарсизлантириш хонасини ташкил этиш ҳамда сув иншоотини ишга тушириш учун янги трансформатор пунктини ўрнатиш ҳам лойиҳадан ўрин олган.

Мазкур ишлар натижасида маҳалладаги 300 га яқин хонадоннинг тоза ичимлик таъминоти яхшиланиши кўзда тутилган.

2023-03-23 22:14:49